

ქალაქ ქუთაისის მუნიციპალიტეტის საკრებულოს წევრის,  
პარტია „საქართველოსთვის“ წარმომადგენლის, ელენორა არჩაიას  
“მიმდინარე მოწვევის საკრებულოს წევრის სტატუსით 2021 წლის ნოემბრიდან 2022 წლის  
ოქტომბრამდე გაწეული მუშაობის“ შესახებ ოქმი N1

ქ. ქუთაისი

30.10.2022 წ

მომხსენებელი: ელენორა არჩაია - ქალაქ ქუთაისის მუნიციპალიტეტის მერის საკრებულოს  
წევრი, პარტია „საქართველოსთვის“ წარმომადგენელი;

სხდომას ესწრებოდნენ: პარტია „საქართველოსთვის“ ქალაქ ქუთაისის ორგანიზაციის წევრები, ქალაქის  
სხვადასხვა ადმინისტრაციულ ერთეულში მცხოვრები მოქალაქეები.

შეხვედრის ადგილი: ქალაქი ქუთაისი, ი. ნიკოლაძის სახელობის სკვერი, რუსთაველის ქ. N7

დღის წესრიგი:

ქალაქ ქუთაისის მუნიციპალიტეტის საკრებულოს წევრის, პარტია „საქართველოსთვის“ წევრის,  
ელენორა არჩაიას “მიმდინარე მოწვევის საკრებულოს წევრის სტატუსით 2021 წლის ნოემბრიდან 2022  
წლის ოქტომბრამდე გაწეული მუშაობის“ შესახებ.

1. პოლიტიკური საქმიანობის შესახებ ანგარიში;
2. საკანონმდებლო ინიციატივების შესახებ ანგარიში;
3. საქველმოქმედო საქმიანობის შესახებ ანგარიში;

/მომხსენებელი: ელენორა არჩაია/

### პოლიტიკური საქმიანობის შესახებ ანგარიში:

- როგორც ქალაქ ქუთაისის მუნიციპალიტეტის საკრებულოს წევრი, საფინანსო-საბიუჯეტო და ჯანდაცვისა და სოციალურ საკითხთა კომისიების წევრი, აქტიურად არის ჩაბმული საკრებულოს საქმიანობაში. დავესწარი საკრებულოს რიგით 12 და რიგგარეშე 4 სხდომებს. ამ ხნის განმავლობაში არცერთი საკრებულოს მორიგი ან/და რიგგარეშე სხდომა არ გამიცდენია (ერთი დავტოვე შეგნებულად).
  - ყოველდღე ვხვდები ამომრჩევებს, თანაქალაქელებს. შესაბამისად, პირდაპირი წყაროდან - უშუალოდ ხალხისგან - ვიღებ ინფორმაციებს მათი საჭიროებებისა და პრობლემების შესახებ. მათ ნებისმერ დროს შეუძლიათ მასთან დაკავშირება ტელეფონის საშუალებით. დროულად ეხმარება მოქალაქეებს და შუამდგომლობს უფლებამოსილ სამსახურებთან. მომართვიანობა არის როგორც ინფრასტრუქტურული ხასიათის, ასევე სოციალური და ეკონომიკური თუ ჯანმრთელობის პრობლემებთან დაკავშირებული.
  - მ/წლის 30 მარტს - საკრებულოს სხდომაზე დავაყენე მეტად მნიშვნელოვანი და პრობლემური საკითხი ქუთაისისა და თერჯოლის ადმინისტრაციული საზღვრის შესახებ, რომელსაც აქტიურად გამოეხმაურა ადგილობრივი მედია. თერჯოლამ უარი თქვა მიწის გადაცემაზე, შესაბამისად აღნიშნული პრობლემის მოგვარება უკვე სცდება ადგილობრივი თვითმმართველობის კომპეტენციას და საჭიროა მისი გადაწყვეტა პარლამენტის მეშვეობით.
- ქალაქ ქუთაისის მერის სახელზე შევიტანე განცხადება, სადაც დეპოს ქუჩაზე კანალიზაციის პრობლემის მოგვარებას ვითხოვ (საკითხს კვლავ გამოეხმაურა ადგილობრივი მედია; მერიაში დახმარებას დამპირდნენ). უკვე გამოცხადდა ტენდერი, გამოვლინდა გამარჯვებული კომპანია და უახლოეს დღეებში სამუშაოებიც დაიწყება. (პროექტების ტენდერი 3-ჯერ ჩავარდა; როგორც იქნა, გამოვლინდა გამარჯვებული კომპანია, რომელმაც გააკეთა პროექტი, მაგრამ ეს პროექტიც 3-ჯერ შებრუნდა უკან).
- ვიცე-მერის სახელზე შევიტანე განცხადება, რომელშიც ვითხოვ, ნევრასოვის #5 -ში მდებარე ავარიულ სახლში მცხოვრები მათა ტაბლიაშვილი გადაიყვანონ დროებით საცხოვრებელში. (პრობლემის მოგვარება აღმითქვა ბატონმა დავით ერემეიშვილმა).
- 24 ივლისს სოციალურ ქსელში დავაყენე საკითხი, სულხან-საბა ორბელიანის გამზირზე განთავსებული მეტალურგიული ქარხნის გამონაბოლქვით ადგილობრივ ტერიტორიაზე ჰაერის დაბინძურების შესახებ. აღნიშნულ საკითხს მალე მოყვა რალეაგირება. 28 ივლისს გარემოსდაცვითი ზედამხედველობის დეპარტამენტმა მეტალურგიული ქარხანა გააჩერა. (რა თქმა უნდა, აქამდეც მიმდინარეობდა აქტიური კამპანია ამ ქარხნის წინააღმდეგ, მაგრამ, ვფიქრობ, ჩემმა ჩართულობამ პროცესი დააჩქარა).
- სოციალური ქსელში დავწერე წერეთლის ქუჩაზე არსებული სპორტული მოედნის შესახებ, რომელიც ეკალბარდებით იყო სავსე. ამ საკითხსაც მალევე მალე მოყვა რეაგირება და მთლიანი ტერიტორია გასუფთავდა. (როცა ეს მოედანი კეთდებოდა, საკუთარი სახსრებით ვეხმარებოდი).
- თხოვნით მომმართა 8 შვილიანმა მარტოხელა დედამ, რომელიც, ბიუროკრატიული წინააღმდეგობის გამო, ზინას ვერ იფორმებდა საკუთრებაში. ჩემს განცხადებას მალევე მოყვა პასუხი მერიის სხვადასხვა სამსახურიდან და მარტოხელა დედას გაუწიეს დახმარება. (ვიცე-მერი ირაკლი ქარქაძემ ჩავრთე ამ პრობლემის მოგვარებაში).

- 8 სექტემბერს, ისევ სოციალური ქსელის საშუალებით, საზოგადოებას მივაწოდეთ ინფორმაცია, რომ ქუთაისის შვიდ საჯარო სკოლაში არის მიტოვებული საცურაო აუზები, რომლებსაც შეუძლია 15 000 მოსწავლეს მოემსახუროს. დახმარებისთვის მივმართე როგორც ადგილობრივ, ისე სამთავრობო უწყებებს. (მეორე დღესვე ადგილობრივმა ხელისუფლებამ დაანონსა დიდი საცურაო აუზის მშენებლობა).

ვცდილობ აქტიურად დავესწრო როგორც ქალაქში ასევე საქალაქთაშორისო პოლიტიკურ/საგანმანათლებლო თუ კულტურულ ღონისძიებებს:

- დავესწარი შვედეთის მთავრობის მხარდაჭერით გამართულ საკრებულოს წევრ ქალთა ფორუმის მე-8 ყოველწლიურ კონფერენციას;
- დავესწარი NDI-ის მიერ ჩატარებულ ტრენინგს „ადგილობრივი თვითმმართველობის უფლებამოსილებები და ბიუჯეტირება“;
- 25-26 მაისს დავესწარი შვედეთის მთავრობის მხარდაჭერით ორგანიზებულ ინტერპარტიულ სემინარს საკრებულოს ქალი წევრებისათვის;
- 4-5 ივნისს დავესწარი საერთაშორისო რესპუბლიკური ინსტიტუტისა და პარტია „საქართველოსთვის“ მიერ ჩატარებულ ტრენინგს;
- 8 აგვისტოს დავესწარი პარტიის მიერ ორგანიზებულ შეხვედრას „ქალთა გაძლიერების პლატფორმა“ იმერეთში;
- დავესწარი რეგიონულ ფორუმს „ქალთა პოლიტიკური მონაწილეობა დემოკრატიის მშენებლობის გზაზე“;
- ვარ ქუთაისის მუნიციპალიტეტის გენდერული თანასწორობის საბჭოს წევრი და ჩართული ვარ გენდერული საბჭოს თითქმის ყველა ღონისძიებაში;

საკანონმდებლო ინიციატივების შესახებ ანგარიში:

ქუთაისის მუნიციპალიტეტის მერს და საკრებულოს თავმჯდომარეს მივმართე შემდეგი ინიციატივით:

- ქუთაისში დაინერგოს სახალხო ბიუჯეტირების პრაქტიკა, რომლის დროსაც მოსახლეობა თვითონ განსაზღვრავს, როგორ განკარგოს ბიუჯეტის გარკვეულ ნაწილი (მინიმუმ 3%). ეს პრაქტიკა უზრუნველყოფს მოსახლეობის პირდაპირ გაგლენასა და ჩართულობას ბიუჯეტის ფორმირების პროცესში.

მოგეხსენებათ, სისტემური კორუფცია არის ინსტიტუციონალური ჩამოშლის ერთ-ერთი მთავარი მიზეზი, რაც მუნიციპალიტეტის მასშტაბით მთელ რიგ პრობლემებს ქმნის. ყოველივე ზემოაღნიშნულის აღმოფხვრის ან პრევენციის მიზნით, საკრებულოს თავმჯდომარის სახელზე შევიტანე შემდეგი ინიციატივა:

- ადგილობრივ დონეზე შეიქმნას მაკონტროლებელი რგოლი, რომელიც იმუშავებს ამ მიმართულებით; საკრებულოში შეიქმნას დროებითი ანტიკორუფციული კომისია. კომისიამ უნდა შეისწავლოს ისეთი საკითხები როგორებიცაა: სოციალური დახმარებები, სახელმწიფო შესყიდვები, ადგილობრივების დასაქმება მუნიციპალურ სამსახურებში და ასევე, კორუფციის რისკის შემცველი სხვა მიმართულებები. იმედი მაქვს, ჩვენი კოლეგებიც მხარს დაუჭერენ აღნიშნულ ინიციატივას.

- 28 სექტემბერს საკრებულოს სხდომაზე წამოვაცენე ინიციატივა - „სტუდენტთა სტაჟირების პროგრამა“, რომლის ფარგლებში ქუთაისში არსებული ავტორიზებული უმაღლესი საგანმანათლებლო დაწესებულებების მესამე და დამამთავრებელი კურსის სტუდენტებს, მიეცემა შესაძლებლობა, გაიარონ 3 თვიანი, არაანაზღაურებადი, პროფესიული პრაქტიკა. ინიციატივას დიდი გამოხმაურება მოყვა, როგორც საზოგადოებაში, ისე ადგილობრივ მედიაში. საკრებულოს სხდომაზე აქტიურად განიხილებოდა აღნიშნული ინიციატივა.

#### საქველმოქმედო საქმიანობის შესახებ ანგარიში:

- ვეხმარები მოქალაქეებს, ჩაერთონ მუნიციპალურ პროგრამებში, როგორებიცაა: წამლებით უზრუნველყოფა, "შინ მოვლის" პროგრამა, სოციალურად დაუცველი სტატუსის მიღება და სხვა.
- ვმონაწილეობდი ქუთაისში ქალთა ფონდ „სოხუმის“ ორგანიზებით გამართულ აქციაში - „სოლიდარობა უკრაინელ დედებს და ახალგაზრდებს“. ზემოთ ჩამოთვლილ საქმიანობათა გარდა, აქტიურად ვარ ჩართული საქველმოქმედო და სხვა ტიპის ღონისძიებებში.
- 1-ელ ივნისს, ბავშვთა დაცვის საერთაშორისო დღესთან დაკავშირებით, ქუთაისის მიუსაფარ ბავშვთა ოცდაოთხსაათიანი ზრუნვის თავშესაფარს ვესტუმრე. ზოგადად, ხშირი სტუმარი ვარ ამ ბავშვების.
- ხშირად ვსტუმრობ წყალწითელას მოხუცთა თავშესაფარს, რომელსაც საჩუქრებითა და პროდუქტებით ვეხმარები.
- წითელი ჯვრის ბენეფიციარებს - 25 მოხუცს - გავუმასპინძლდი ფურშეტით, რომლის ორგანიზება ქალბატონმა ირმა ქურასბედიანმა უზრუნველყო.
- დედის დღესთან დაკავშირებით, ქუთაისის მუნიციპალიტეტის მერიის სოციალური საცხოვრისის მრავალძვილიან ოჯახს ვეწვიე და საჩუქრად საყოფაცხოვრებო პროდუქტები გადავეცი.
- დავესწარი საქართველოს შეზღუდული შესაძლებლობების მქონე პირთა სპორტულ შეჯიბრებას. ჩემპიონატის დასრულების შემდეგ, 25 ადამიანს საკუთარი ხარჯებით ვუმასპინძლე რესტორანში.
- განსაკუთრებული საჭიროების მქონე პირთა უფლებების დღესთან დაკავშირებით, შეზღუდული შესაძლებლობის მქონე პირების ღონისძიების აღსანიშნავად გავუგზავნე 350 ლარის ღირებულების ფურშეტის მომსახურება.
- 16 ნოემბერს, ქუთაისის ბიბლიოთეკის დაბადების დღესთან დაკავშირებით, მე-8 საბავშვო ბიბლიოთეკას საჩუქრად გადავეცი 800 ლარის ღირებულების 60-მდე დასახელების წიგნი.
- საზღვარგარეთ დაფუძნებულ ქართულ სათვისტომოს, ქართული წიგნების შესაძენად, შევწირე 500 ლარი.
- ქუთაისის საჯარო ბიბლიოთეკის ლიტერატურული კონკურსის „ჭადრის ოქროსფერი ფოთოლი“ გამარჯვებულს, პირადი ანგარიშიდან, გადავეცი 200 ლარი.

- მე-13 საქალაქო ბიბლიოთეკის საავტორო ფოტოკონკურსის „წიგნი ობიექტივიდან“ გამარჯვებულებს გადაეცემა ფულადი ჯილდო, ჯამში 500 ლარი.
- ამბროლაურის მთავარ ბიბლიოთეკას გაუზღავნეთ ნათარგმნი ლიტერატურა, ჩემი მცირედი მონაწილეობით.
- უკრაინიდან ლტოლვილებს რამდენჯერმე გაუწიე დახმარება როგორც მატერიალური ასევე ადამიანური რესურსით.
- ასევე, პირადი თანხით, საკვებითა და საყოფაცხოვრებო პროდუქტებით ხშირად ვეხმარები სოციალურად დაუცველ ოჯახებს, შშმ პირებს, მრავალშვილიან ოჯახებს, ომის ვეტერანებს.
- ქალაქში ერთ-ერთ წარმატებულ მოჭადრაკე ბავშვს ყოველთვიურად სტიპენდიის სახით ვურიცხავ თანხას.

აზრი გამოთქვას:

შეხვედრაზე მყოფმა მოქალაქეებმა დასვეს რამდენიმე მნიშვნელოვანი საკითხი:

1. ქალაქში გარკვეული ჯგუფებისთვის, კერძოდ, სოციალურად დაუცველების და სტუდენტებისათვის მუნიციპალური ტრანსპორტით სარგებლობისათვის მოქმედებს საშეღავათო სამგზავრო ბარათები. მოქალაქემ, ითხოვა შუამდგომლობის გაწევა ადგილობრივი თვითმმართველობის შესაბამის სამსახურებთან, რათა პენსიონერ მგზავრებსაც შეეძლოთ ჰქონდეთ საშეღავათო სამგზავრო ბარათები და მგზავრობა შეძლონ განახევრებული ტარიფით .
2. მოქალაქემ, რომელიც იყო ერთ-ერთი ბინათმესაკუთრეთა ამხანაგობის თავმჯდომარე, ითხოვა დავაინიცრო საკრებულოში ბინათმესაკუთრეთა ამხანაგობის თავმჯდომარეებისათვის ანაზღაურების საკითხი.
3. ქალაქში არსებულ გარკვეულ შენობებს, რომელიც არის კერძო საკუთრებაში და აქვს კულტურული მემკვიდრეობის ან სხვა მსგავსი სტატუსი, რომელიც ამავდროულად არის ავარიულ მდგომარეობაში ვერ ახერხებენ სააგენტოს მხრიდან ნებართვის გარეშე ისარგებლონ ადგილობრივი თვითმმართველობის მიერ განხორციელებულ საბინაო/კეთილმოწყობის პროგრამებით და ა. შ. ბიუროკრატიული მდგომარეობის გამო, სააგენტოს მიერ საკითხის შესწავლა და ნებართვის გაცემა ძალიან დიდ დროსთან არის დამოკიდებული, რაც ხელს უშლის და აზარალებს ოჯახებს. შესაბამისად, მოქალაქემ ითხოვა დავაყენო საკითხი, როგორმე მიეცეს ადგილობრივ თვითმმართველობას დელეგირებით უფლებამოსილება ადგილზე მოხდეს გადაწყვეტილების მიღება და ავარიული/საფრთხის შემცველი მდგომარეობების დროულად მოწესრიგება.
4. შეკრებას ესწრებოდა მოქალაქე, რომელიც არის ბინის მამიებელი, არ აქვს საკუთარი თავშესაფარი, თუმცა იმის გამო, რომ არ ირიცხება სოციალურად დაუცველი მოქალაქეების ერთიან ბაზაში ვერ ღებულობს მონაწილეობას, ქალაქ ქუთაისის მუნიციპალიტეტის მერიის მიერ გამოცხადებულ სოციალური საცხოვრისის პროგრამის კონკურსში. მოქალაქემ ითხოვა შუამდგომლობის გაწევა ქალაქის მერთან, შეიტანონ ცვლილება არსებულ წესებში და სოციალური სტატუსის არმქონე, რეალურად თავშესაფრის არმქონე მოქალაქეებსაც მიეცეთ შესაძლებლობა მოითხოვონ სოციალურ საცხოვრისში არსებული საცხოვრებელი ფართი.

5. ძალიან მწვავედ დგას ქალაქში სანიაღვრე სისტემების საკითხი. განსაკუთრებით შემოდგომა/ზამთრის პერიოდში, ხანგრძლივი წვიმის დროს იტბორება არა მხოლოდ ქალაქის ქუჩები და ავტომანქანებითაც კი გადაადგილება არის შეუძლებელი, ასევე იტბორება და ზიანდება საცხოვრებელი სახლები. შესაბამისად, მოქალაქემ ითხოვა აღნიშნულ პრობლემის მოგვარებაში დახმარება და შუამდგომლობა ადგილობრივ თვითმმართველობასთან უფრო მეტი კონტროლის მექანიზმის ამუშავებით მოხდეს საგზაო ინფრასტრუქტურის სამუშაოების ხარისხიანად შესრულება.

პატივისცემით,

ელენორა არჩაია,  
ქალაქ ქუთაისის მუნიციპალიტეტის საკრებულოს წევრი

ე. არჩაია